

Program zapošljavanja i samozapošljavanja žena u 2011. godini (07.03.2011.)

U skladu sa Programom rada Federalnog zavoda za zapošljavanje za 2011. godinu i Odlukom Upravnog odbora Federalnog zavoda za zapošljavanje o odobravanju realizacije Programa zapošljavanja i samozapošljavanja žena u 2011. godini, broj: 01/1-49-284/11 od 2.2.2011. godine, Federalni zavod za zapošljavanje r a s p i s u j e

JAVNI POZIV **za učešće u Programu zapošljavanja i samozapošljavanja** **žena u 2011. godini**

1. Poticajna sredstva

Finansijska sredstva u iznosu od 3.600.000 KM predviđena su za podršku zapošljavanja i samozapošljavanja žena u Federaciji Bosne i Hercegovine u 2011. godini.

Ova sredstva će se usmjeriti za:

- sufinansiranje poslodavaca, radi zapošljavanja nezaposlenih žena iz ciljne skupine, u iznosu od 3.000 KM po osobi, uz obavezu poslodavca da osobu zaposlenu po Programu zadrži u radnom odnosu najmanje 12 mjeseci, o čemu dostavlja potrebne dokaze,
- sufinansiranje samozapošljavanja žena u iznosu od 4.000 KM do 5.000 KM po osobi, na ime nabavke sredstava za rad, opreme, repromaterijala i sl., kao i za obrtna sredstva i to za obavljanje registrirane djelatnosti, uz obavezu obavljanja registrirane djelatnosti u trajanju od najmanje 12 mjeseci i to za:
 - poljoprivrednu djelatnost (stočarstvo, povrtlarstvo, voćarstvo, pčelarstvo ili druga grana poljoprivrede) u iznosu od 5.000 KM,
 - zanatske djelatnosti (proizvodno i uslužno zanatstvo) u iznosu od 4.500 KM,
 - seoski turizam ili druge djelatnosti u iznosu od 4.000,00 KM.

2. Korisnici

Korisnici bespovratnih sredstava su:

- poslodavci sa područja BiH, koji će zaposliti nezaposlene osobe – žene iz ciljne skupine, koje se nalaze na evidenciji nezaposlenih u Federaciji BiH,
- nezaposlene osobe – žene, bez obzira na godine života i stepen obrazovanja, prijavljene na evidenciju nezaposlenih u Federaciji BiH najmanje šest mjeseci prije objave Javnog poziva.

3. Prijava na javni poziv

3.1. Pravna lica – zapošljavanje

Uz prijavu na Javni poziv, pravna lica podnose:

- zahtjev za sufinansiranje zapošljavanja žena u 2011. godini (forma zahtijeva i obrasca je dostupna u nadležnom općinskom birou za zapošljavanje, kantonalnoj službi za zapošljavanje i na web stranici Federalnog zavoda za zapošljavanje:

- ovjerenu kopiju rješenja iz sudskog registra za obavljanje djelatnosti ili ovjerenu kopiju rješenja o registraciji samostalne djelatnosti,
- kopiju identifikacijskog broja,
- kopiju bilansa stanja i bilansa uspjeha za posljednji obračunski period, odnosno obrazac SPR1053 / specifikacija za utvrđivanje dohotka od samostalne djelatnosti,
- dokaz – uvjerenja o izmirenim obavezama po osnovu poreza i doprinosa, ne starija od tri mjeseca od dana apliciranja
- uvjerenje o trenutnom broju zaposlenih osoba,
- odluku o prijemu novih radnika u radni odnos na određeno vrijeme nakon odobravanja sredstava po Programu,
- ovjerenu izjavu:
 - da će osobe, čije se zapošljavanje sufinansira, zadržati u radnom odnosu najmanje 12 mjeseci, o čemu dostavlja odgovarajući dokaz (spisak osoba, njihove potpisane i ovjerene platne liste i specifikacije plaća ovjerene u Poreznoj upravi),
 - da neće otpustiti postojeće zaposlenike radi zapošljavanja novih osoba po Programu.

3.2. Fizička lica – samozapošljavanje

Uz prijavu na Javni poziv, fizička lica podnose:

- zahtjev za sufinansiranje samozapošljavanja (forma zahtjeva je dostupna u nadležnom općinskom birou za zapošljavanje, kantonalnoj službi za zapošljavanje i na web stranici Federalnog zavoda za zapošljavanje
- ovjerenu kopiju lične karte,
- uvjerenje nadležnog općinskog biroa za zapošljavanje da se nalazim na evidenciji nezaposlenih,
- dokaz da je pokrenut postupak registracije obavljanja djelatnosti kod nadležnog općinskog organa,
- plan za realizaciju poslovne ideje (forma plana je dostupna u nadležnom općinskom birou za zapošljavanje, kantonalnoj službi za zapošljavanje i na web stranici Federalnog zavoda za zapošljavanje www.fzzz.ba
- ovjerenu izjavu:
 - da ću dodijeljena sredstva koristiti namjenski za samozapošljavanje,
 - da ću obavljati registriranu djelatnost najmanje 12 mjeseci od dana zaključivanja ugovora,
 - da se neću prijaviti na evidenciju nezaposlenih najmanje 12 mjeseci od dana brisanja sa evidencije nezaposlenih zbog samozapošljavanja po Programu.

4. Prioriteti kod odobravanja sredstava

Kod odobravanja sredstava, namijenjenih za sufinansiranje zapošljavanja žena iz ciljne grupe, prioritet imaju poslodavci kod kojih se obezbjeđuje veće zapošljavanje u:

- proizvodnoj djelatnosti,
- proizvodnom i uslužnom zanatstvu,

- poljoprivredi, prvenstveno u proizvodnji organske hrane.

Kod samozapošljavanja prednost pod istim uvjetima na osnovu priloženih dokaza imaju: žene sa invaliditetom, samohrane majke i pripadnice porodica šehida / poginulih boraca, demobilisani borci, te žene koje dostave dokaz o završenoj obuci iz poduzetništva (pokretanje - vođenje malog biznisa).

5. Obaveze nakon odobravanja sredstava

5.1. Pravna lica

Nakon odobravanja zahtjeva kao uvjet za isplatu odobrenih sredstava i potpisivanje ugovora sa Službom, a najdalje u roku od 30 dana, poslodavac dostavlja:

- ugovor o radu na određeno vrijeme sa osobom iz ciljne grupe, čije se zapošljavanje sufinansira, u trajanju od najmanje 12 mjeseci - ***ugovor o radu ne može biti sklopljen prije sklapanja ugovora sa Službom***,
- kopiju obrasca JS 3100,
- uvjerenje nadležnog općinskog biroa za zapošljavanje da je osoba, čije se zapošljavanje sufinansira, brisana sa evidencije nezaposlenih,
- izjavu osobe koja se zapošljava da je upoznata sa uvjetima Programa,
- mjeničnu izjavu i bjanko mjenicu kao instrument obezbjeđenja odobrenih sredstava koja će se aktivirati u slučaju neizvršenja ugovorenih obaveza.

5.2. Fizička lica

Nakon odobravanja zahtjeva kao uvjet za isplatu odobrenih sredstava i potpisivanje ugovora sa Službom, a najdalje u roku od 30 dana, korisnik sredstava dostavlja:

- ovjerenu kopiju rješenja o registraciji obavljanja djelatnosti,
- kopiju identifikacijskog broja,
- ovjerenu kopiju obrasca JS 3100,
- broj računa registrirane djelatnosti kod poslovne banke,
- uvjerenje biroa za zapošljavanje da je korisnik sredstava brisan sa evidencije nezaposlenih,
- ovjerenu kopiju predračuna / profakture o nabavci sredstava za rad, opreme, repromaterijala i sl., odnosno kupoprodajnog ugovora o nabavci stoke, osnovnog stada, pčelinjeg društva i sl., ovjerenog u nadležnoj instituciji,
- bjanko mjenicu i mjeničnu izjavu kao instrument obezbjeđenja odobrenih sredstava koja će se aktivirati u slučaju neizvršenja ugovornih obaveza.

5.3. Obaveze Federalnog zavoda za zapošljavanje

Služba će, nakon zaključivanja ugovora o zapošljavanju žena i zaprimanja dokumentacije iz tačke 7.1, poslodavcu isplatiti:

- 40% avansa ukupno odobrenih sredstava, a
- 60% sredstava u naredna tri mjeseca, u jednakim ratama, uz napomenu da je poslodavac obavezan, radi pravdanja odobrenih sredstava, prije svake naredne isplate dostaviti: spisak sufinansiranih osoba, specifikaciju uz isplatu plaća ovjerenu u Poreznoj upravi i platne liste zaposlenika, a zatim istu dokumentaciju dostavljati mjesečno u toku 12 mjeseci tj. do kraja ugovorene obaveze.

Služba će, nakon zaključivanja ugovora o samozapošljavanju osoba iz ciljne skupine i zaprimanja dokumentacije iz tačke 5.2, isplatiti na račun registrirane djelatnosti odobrena sredstva u dva dijela, i to 50% avansno za nabavku potrebnih sredstava za rad, opreme, repromaterijala, stoke i sl, a preostalih 50% namjenjenih za obrtna sredstva, nakon pravdanja nabavke istih ovjerenom kopijom računa / fakture, najkasnije u roku do 30 dana od dana zaključivanja ugovora.

Prijave sa potrebnom dokumentacijom dostavljaju se neposredno ili preporučeno poštom, sa naznakom „Prijava na Javni poziv za učešće u Programu zapošljavanja i samozapošljavanja žena u 2011. godini, na adresu nadležne kantonalne službe za zapošljavanje:

- JU Služba za zapošljavanje Unsko-sanskog kantona, Branislava Đurđeva 1, 77000 Bihać, 037/226-062
- Služba za upošljavanje Županije Posavske, Jug I bb, 76270 Orašje, 031/710-680
- JU Služba za zapošljavanje Tuzlanskog kantona, Bosne srebrene 31, 75000 Tuzla, 035/281-388
- JU Služba za zapošljavanje Zeničko-dobojskog kantona, Adolfa Goldbergera 6, 72000 Zenica, 032/448-200
- JU Služba za zapošljavanje Bosansko-podrinjskog kantona, Maršala Tita 13, 73000 Goražde, 038/221-546
- Služba za zapošljavanje Srednjobosanskog kantona / Kanton središnja Bosna, Hadži Ali-bega Hasanpašića bb, 72267 Travnik, 030/518-764
- Služba za zapošljavanje Hercegovačko-neretvanskog kantona / Hercegovačko-neretvanske županije, Kralja Tvrtka 19, 88000 Mostar, 036/321-824
- Služba za zapošljavanje Zapadnohercegovačke županije, Trg Herceg-Bosne 1, 88340 Grude, 039/661-396
- JU Služba za zapošljavanje Kantona Sarajevo, Đoke Mazalića 3, 71000 Sarajevo, 033/251-260

10. Županijski zavod za upošljavanje Livno, Kralja Tvrtka 5, 80101 Livno, 034/203-306

Rok za podnošenje prijave je 30 dana od dana objavljivanja Javnog poziva (7.3.2011.) u sredstvima javnog informisanja, odnosno do utroška sredstava ako u tom periodu ne pristigne dovoljan broj aplikacija. Obrasci za apliciranje za učešće u Programu dostupni su u nadležnom općinskom birou za zapošljavanje, kantonalnoj službi za zapošljavanje i na web stranici Federalnog zavoda za zapošljavanje: www.fzzz.ba. Prijave sa nekompletnom dokumentacijom neće se uzeti u razmatranje.